

OPIÐ HÚS EINU SINNI Í MÁNUÐI

Opið hús (eða stuðningsfundir) Félags nýrnasjúkra er fyrsta þriðjudag í mánuði kl. 17—19 í Hátúni 10, Reykjavík og síðasta fimmtudag í mánuði kl. 20 í safnaðarheimili Akureyrarkirkju

Næstu fundir í Reykjavík verða í Hátúni 10, 9. hæð kl. 17:00—19:00 (Því húsi af þemur sem er næst Nóatúni):

Priðjudaginn 4. nóvember: Anna Dóra Sigurðardóttir félagsráðgjafi fræðir okkur um stöðu nýrnasjúkra og þá þjónustu sem þeim býðst frá opinberum aðilum, með áherslu á Tryggingastofnun og sjúkratyggingar og væntanlegar breytingar. Umræður og fyrirspurnir.

Priðjudaginn 2. desember: Jólafundur félagsins, Við fögnum aðventunni og fáum jólalegar veitingar, hlustum á rithöfunda kynna verk sín og spjöllum saman.

Munið minningakort félagsins.

Falleg kveðja og hluttekning við fráfall.

Hringið eða farið á heimaíðuna.

Félag nýrnasjúkra Hátúni 10b 105 Reykjavík Sími 561 9244, netfang: nyra@nyra.is – vefsíða: nyra.is—<http://www.facebook.com/Felagnyrnasjukra> Skrifstofan er opin: miðvikudaga og fimmtudaga kl. 10—16. Svarað er í síma félagsins alla daga. Í Hátúni 10 er Opið hús, spjall og umræður fyrsta þriðjudag í mánuði Kl. 17– 19. Akureyri síðasta fimmtudag í mánuði kl. 20 í safnaðarheimilinu



Nýrað

FRÉTTABRÉF 3..tbl. 27. árg. október 2014

Efni: Vorferðin

Niðurbrot velferðar, ályktun
Blóðskilun á Akureyri og
Selfossi
Næstu fundir



Þann 23. ágúst 2014 fór Reykjavíkurmaraþonið fram. Aldrei hafa fleiri hlaupið til styrktar Félags nýrnasjúkra eða 64 einstaklingar. Félagið þakkar þeim hjartanlega fyrir stuðninginn sem er okkur ómetanlegur. Sömuleiðis þökkum við öllum þeim sem hétu á okkar góðu hlaupara. Framlag þeirra var einnig meira en nokkru sinni því nú söfnuðust kr. 1.081.600.— Af því mun dragast eitthvað á bilinu 6-10% sem rekstraraðilar hlaupsins taka upp í kostnaðinn. Þannig að eftir stendur dágóð upphæð ef allt innheimtist. Þetta er glæsilegt! Upphæðin sem félagið fær

gengur óskert í söfnunina fyrir vatnshreinsivélunum.

Við söfnum áfram fyrir vatnshreinsivélunum (þemur) sem eru forsenda fyrir því að hægt verði að opna blóðskilunardeildir á Akureyri og Selfossi. Nýjasta tilboð áætlað að þær kosti samtals um 4,5 milljónir.

Þannig að enn vantar nokkuð uppá. Við leitum stuðnings ýmissa félaga og einstaklinga svo þetta verði mögulegt.

**Styrktarsjóðurinn er: kt. 670387-1279
banki: 334-26-1558**

Vorferð félagsins



Farið var í vorferð félagsins sunnudaginn 25. maí. Ferðinni var heitið um Reykjanesið og nutu ferðalangar leiðsagnar leiðsögumanns. Skoðaðir voru fallegir staðir og farið á nokkur söfn. Félagið bauð einnig uppá kaffi í ferðinni. Íslensk sumarveðrátta

sýndi sínar verstu hliðar og var það nokkur forleikur að hinu blauta sumri sem síðan varð á suðvesturhorninu.

Félagsmenn létu engu að síður vel af ferðinni, sáu margt fróðlegt og varið deginum í góðum félagsskap.

NIÐURBROT Á VELFERÐARKERFI OKKAR

Ályktun stórnar Félags nýrnasjúkra 18. september 2014 :

Stjórn Félags nýrnasjúkra grátbiður stjórnvöld að stíga ekki fleiri skref í átt að niðurbroti á velferðakerfi þjóðarinnar.

Ár frá ári hafa hækkanir á heilbrigðisþjónustu dunið á okkur og skert afkomuna. Gjöld fyrir heilbrigðistengda þjónustu hækkuðu á bilinu 4 – 20% í byrjun þessa árs auk þess sem gjaldskrá hins opinbera fyrir rannsóknir og sérfræðiþjónustu hækkaði í júlí síðast liðnum. Til að bæta gráu ofan á svart er í fjárlagafrumvarpi næsta árs boðaðar enn frekari hækkanir s.s. með hækkun viðmiðunarfjárhæða í greiðsluþátttökukerfi lyfja.

Enn á ný á heilbrigðiskostnaður að hækka umtalsvert meira en bætunar og eru hækkanir langt yfir verðbólgu markmiði Seðlabankans, en fjármálaráðherra hafði áður lofað að hækkanir opinberra gjalda ættu ekki að fara yfir 2,5 % verðbólgu markmiðið. Nú er mál að linni. Stjórn Félags nýrnasjúkra biður stjórnvöld að draga til baka allar þær tillögur sem fela í sér aukinn kostnaður fyrir sjúka og aðra okkar minnstu bræðra. Þess í stað hvetjum við þau til að breyta alveg um stefnu og hegða sér eins og góðum höfðingjum sæmir og byggja upp gott heilbrigðiskerfi að nýju. Heilbrigðiskerfi fyrir alla þar sem langvarandi eða ævilöng veikindi dæma fólk ekki til fátæktar.

Skilun á Akureyri og Selfossi

Nú styttest í að opnuð verði blóðskilunardeild á Selfossi. Hjúkrunarfræðingar þaðan eru þegar í þjálfun á skilunardeild Landspítalans við Hringbraut. Stefnt er að því að deildin á Selfossi taki til starfa um eða uppúr miðjum nóvember n.k. Þegar er búið að innrétta aðstöðu fyrir þjónustuna.

Þetta verður mjög mikil framför fyrir þá nýrnasjúka á suðurlandi sem þurfa blóðskilun að halda, dregur úr ferðalögum þeirra og bætir öryggi. Því á síðustu árum hafa komið dagar þar sem ófært er til Reykjavíkur að vetri til. Í framtíðinni mun deildin á Selfossi einnig geta þjónað gestum. Það er mikið fagnaðarefni að þá verði

einfaldara fyrir nýrnasjúka að dvelja um lengri eða skemmri tíma á suðurlandi.

Uppsetning blóðskilunardeildar á Akureyri er mun skemmra komin og ekki alveg ljóst hvenær blóðskilun hefst þar.

Við erum þó vongóð um að það verði innan tíðar.

Við söfnum enn fyrir vatnshreinsunarvélum og hvetjum félagsmenn okkar til að benda þeim sem leggja vilja eitthvað að mörkum á styrktarsjóð félagsins.

Kt. 670387-1279 banki: 334-26-1558.